

皇清經解

皇

清

經

解

皇清經解卷三十

學海堂

禹貢錐指

德清胡明經渭著

濟河惟兗州

釋文濟子禮反下同兗悅轉反渭按濟漢書皆作沛顏氏曰沛本濟水之字從水市聲市音姉林氏

曰濟古文作沛說文云此兗州濟也其從水從齊者說文云出常山房子縣贅皇山濟沛音同字異當以古文爲正吳氏曰導水章所敘冀州之濟兗州之濟實一水也濟沛二字通用說文因二字而以比濟南濟爲二水非也兗史記作沔

傳曰東南據濟西北距河正義曰此下八州發首言山川者

皆謂境界所及也鄭氏

樵

曰禹貢之書所以爲萬代地理家

成憲者以其地命州不以州命地也如兗州者當時所命之名後世妄知其在南在北故曰濟河惟兗州以濟水河水之間爲兗州也以荆山衡山之閒爲荊州故曰荆及衡陽惟荊州濟河者萬代不泯之川也荆衡者萬代不泯之山也使荆

兗之名得附此山川雖後世更改移易爲不沒矣渭按濟自  
蒲又東北會于汶又北東入于海此兗之東南與豫徐青分  
界處河自大伾北過降水至于大陸又北播爲九河同爲逆  
河入于海此兗之西北與冀分界處

傳自兗州以下言據者六言距者六正義曰據謂跨之距  
至也學者師承其說千有餘年於此矣今按據字義說文  
云杖持也玉篇云依也持也廣韻云依也引也案也跨字  
義說文云踞也玉篇廣韻並云越也二字之義絕不相謀  
而疏乃以跨釋據何邪賈生過秦論云秦孝公據殽函之  
固班孟堅西都賦云左據函谷二殽之阻此但言秦地東  
有殽函非謂殽函之東亦秦地也張平子西京賦云於後

則高陵平原據渭踞涇蓋東起朝邑西盡鳳翔繇聯數百里皆在渭北故曰據渭非謂跨渭而南也涇水自北絕原而南入渭則原實東西跨涇矣故曰踞涇跨本訓踞踞卽跨也據踞音同字異踞有跨義而據無跨義自俗書二字混用

如據鞍或作踞虎躍或作據之類

而疏遂以跨釋據昔人嫌宋儒訓

詰多出已意不謂唐初已有此弊也然據之與距傳似有異義而不可曉推尋經旨若河若濟若淮若岱若荆皆謂二州之間以是山是水爲界彼此所共不得專屬一州徐揚共是淮何以一言及一言據荆豫共是荆山何以一言據一言至雍豫充與冀共是河何以豫充皆言距而雍獨言據又如衡陽華陽同得山南之地何以一言及一言據



雍梁之西竝以黑水爲界何以一言據一言距青徐之岱  
猶荊豫之荆何以荆有據而岱無據凡此類紛然雜出恐  
傳者涉筆偶爾異同不可以一知半解妄生分別也自疏  
以據爲跨而經義始有難通者矣其說兗州曰濟河之間  
相去路近兗州之境跨濟而過東南越濟水西北至東河  
也此蓋本之漢志漢志濟陰郡治定陶縣唐爲濟陰縣今曹縣定陶縣是  
山陽所領縣有成武唐亦爲成武縣即今城武單父唐亦爲單父縣今單縣是東緡  
唐爲金鄉縣即今金鄉方與音房預唐爲方與縣今魚臺縣是皆在濟水之南二郡  
志竝屬兗州故以爲兗州之境跨濟而過不知漢武置十  
三州自立疆界不盡與古合安得以漢之兗州爲禹之兗  
州平青之東北據海以爲跨海而有遼東猶可通也荆之

北據荆山則曰此州北界至荆山之北夫衡言陽則知荆  
州南跨衡山華言陽則知梁州不得華山荆山二州無異  
辭何以知荆北跨荆山而豫獨不得荆山乎至若雍之東  
據河則侵入冀域理尤不可通故改從王肅西據東距之  
說然黑水絕遠而雍復跨之亦無是理也揚之跨淮而北  
不識更以何地爲徐界梁之跨華陽而東不識更以何地  
爲豫界疏亦不能有說以處此矣竊謂跨之一字大有害  
於經義鄭漁仲謂禹貢以地命州不以州命地所以爲萬  
世不易之書此最善言禹貢者蓋禹別九州不論廣狹長  
短唯因高山大川以表界非若後世郡國犬牙相制之形  
亦不必截然方整如碁局充之南界及濟水而止何用割

水之南以附兗荆之北界及荆山而止何用割山之北以附荆如疏所言事涉晚近不可以說經故曰跨之一字大有害於經義也蔡氏於據海據淮據荆山據華山之南皆改據曰至曰距而兗之據濟如故雍之距黑水而據河則從疏倒置其字蓋亦以據爲跨而理有可通者則因之必不可通者則改之其於夾漈之言終未闕其奧妙也

爾雅濟河閼曰兗州注云自河東至濟周禮河東曰兗州而賈疏以爲侵禹貢青徐之地者蓋以其山鎮曰岱山其澤藪曰大野知之殷之兗州自河東至濟與禹貢同其徐州自濟東至海亦與禹貢同而周則言河不言濟蓋其境越濟而東得岱矣岱南爲徐北爲青徐州曰大野旣緒是



知侵禹貢青徐之地也兗界跨濟唯周制有然以言乎禹

貢之兗州則悖矣

兗州有古帝顓頊之虛

杜預曰東郡濮陽縣故帝顓頊之虛故曰帝丘

隔觀有窮

昆吾章顧之封皆在焉春秋時可考者衛

文公遷于楚丘成公又遷于帝

王郕胙燕

南燕姑姓

凡四國戰國時為衛魏宋齊趙五國地秦

并天下置東郡碭郡

東北境是齊郡

北境鉅鹿上谷

郡東漢

復置兗州

領郡國八

後漢魏晉並因之唐為河南道之靈昌

滑州

濮陽

濮濟

東平

鄆等郡

河北道之清河

貝州

魏郡

魏博

平

博平原

德樂安

棣

景城

滄

等郡按以上通典所列有當

往屬者東平之須昌鉅野宿城及壽張之東境

此為東原大野之地

須昌宿城壽張三縣故城並在今東平州界鉅野故城在今鉅野縣西

魯郡之任城龔丘

任城

今為濟寧州及嘉祥縣之東境冀  
改屬徐濟陰之南華在

正今為寧陽縣在古濟水東  
澤西今為靈昌之匡城在南華西今  
東明縣為長垣縣改屬豫濟陽之長清

今屬濟南府及東阿之東境今東阿  
平陰之北境改屬青其南

境改屬徐也平陰側代跨南  
又有當來屬者冀域信都郡

及鄴郡之內黃堯城臨河內黃堯城二縣故城並在今內

汲郡之黎陽東境其豫域則濟陰之乘氏也乘氏在今滑縣北

以今輿地言之河南衛輝府之胙城縣胙城本在河南自

出縣南而縣直隸大名府唯濬縣之西境當屬冀  
始為河北地長垣東明二縣當屬豫及真定

河閒二府之東南境當以漢時漳水故道為  
山東則東昌

府其兗州府則曹州陽穀壽張鄆城濟南青州二府則西

北境當以漢時濟水故道為界皆古兗州域也

東南據濟與豫分界當自兗州府之曹州始何以知之按  
導水濟入河溢爲滎東出於陶丘北又東至于蒗蒗澤在  
今定陶縣境經繫諸豫雷夏在今曹州境經繫諸兗故知  
二澤之閒爲兗豫之界也濟水至曹州西分爲二一水東  
南流爲蒗水一水東北流入鉅野澤爲濟瀆春秋僖公三  
十一年取濟西田左傳云分曹地自洮以南東傳于濟酈  
道元云濟水自是東北流出巨澤卽此地也濟水又北過  
東昌府之濮州范縣東與徐分界又北爲陽穀荏平東與  
青分界轉東爲濟南府之齊河濟陽齊東青城又東爲青  
州府之高苑博興樂安

樂安縣東北一百十里有琅槐故城漢屬千乘郡古濟水入海處也

南與青分界今歷城以東有小清河卽濟水入海之故道

其北爲兗南爲青也

西北距河與冀分界河自今河南衛輝府胙城縣北東至直隸大名府濬縣大伾山西折而北經河南彰德府界中又東北經直隸廣平順德真定河閒四府界中東入于海此禹河之故道曲周以下卽漢時漳水之所行也詳見冀州一志東衛西田全補云公曹州自北以南東爲于海九河濟漯入海竝在兗東徒駭最北入枝次之漯在鬲津之南濟又在漯之南其所入皆勃海也自天津衛直沽口與冀分界南歷靜海縣東又南歷滄州東又南歷霑化利津蒲臺縣東折而東歷樂安縣北以小清河入海處與青分界



# 九河既道

傳曰河水合爲九道在此州界平原以北是正義曰河從大陸東畔北行而東北入海冀州之東境至河之西畔水分大河東爲九道故知在兗州之界平原以北是也釋水載九河之名云徒駭太史馬頰覆釜胡蘇簡絜鉤盤鬲津也漢書溝洫志成帝時河隄都尉許商上書曰古記九河之名有徒駭胡蘇鬲津今見在成平東光鬲縣界中自鬲津以北至徒駭其閒相去二百餘里是知九河所在徒駭最北鬲津最南蓋徒駭是河之本道東出分爲八枝也許商上言三河下言三縣則徒駭在成平胡蘇在東光鬲津在鬲縣其餘不復知也爾雅九河之次從北而南旣知三河之處則其餘六者太史



馬頰覆釜在東光之北成平之南簡絜鈎盤在東光之南鬲縣之北也其河填塞時有故道鄭玄云今河閼弓高以東至平原鬲津往往有其遺處夏氏曰九河之名出于一時之偶然初無義訓李巡孫炎郭璞皆附會曲爲之說渭按漢成平東光屬勃海郡鬲縣屬平原郡弓高屬河閼國今直隸河閼府交河縣東有成平故城東光縣東有東光故城阜城縣西南有弓高故城山東濟南府德州北有鬲縣故城皆漢縣也蓋河自大陸以北禹疏爲九道以殺其勢然後恆衛可得而治大陸盡爲良田也

漢時言九河以爲不可考者平當云九河今皆寘

與填同滅

馮遂云九河今旣滅難明王橫云九河之地已爲海所漸

是也然許商所言實有其地就三河推之其餘大槩可知  
九河豈真湮滅無遺迹邪而近世學者又患求之太詳凡  
後人所鑿以通水而被新河以舊號者悉據以爲禹之九  
河杜氏通典於許商所得之外又得其三鉤盤在景城郡  
界馬頰覆釜在平原郡界惟太史簡絜三河未詳處所而  
史記正義云簡在貝州歷亭縣界輿地廣記云簡絜在臨  
津金地理志云南皮縣有滌河明一統志云太史河在南  
皮縣北則此三河者亦皆犁然有其處所矣以漢人所不  
能知而一一臚列如此可信乎不可信乎蔡傳云或新河  
而載以舊名或一地而互爲兩說皆似是而非無所依據  
此言是也于欽齊乘以爲許商孔穎達之言簡而近實後

世圖志雖詳反見淆亂某嘗往來燕齊西道河閒東履清  
滄熟訪九河故道蓋昔北流衡漳注之河既東徙漳自入  
海安知北流之漳非古徒駭河歟踰漳而南清滄二州之  
閒有古河隄岸數重地皆沮洳沙鹵太史等河當在其地  
滄州之南有大連澱西踰東光東至海此非胡蘇河歟澱  
南至西無棣縣百餘里閒有曰大河曰沙河皆瀕古隄縣  
北地名八會口縣城南枕無棣溝茲非簡絜等河歟東無  
棣縣北有陷河闊數里西通德棣東至海茲非所謂鉤盤  
河歟濱州北有土傷河西踰德棣東至海茲非鬲津河歟  
土傷河最南比他河差狹是爲鬲津無疑也于氏之論可  
謂博而篤矣然而求九河者正不必尺寸皆合於禹之故

道亦不必取足於九許商言自鬲以北至徒駭閔相去二百餘里今河雖數移徙不離此域韓牧以爲可略于禹貢九河處穿之縱不能爲九但爲四五宜有益此真通人之見知此者可與窮經可與治水矣

曾彥和云九河其一不名者河之經流先儒分簡絜爲二非也林少穎以爲不然九河自大陸以北播爲九道其勢均也安得以一爲經流八爲支派哉二說皆誤漢書敘傳云自茲距漢北亡八支其一存者卽是徒駭孔疏徒駭是河之本道東出分爲八枝說本於此朱子亦以爲然故孟子集注簡絜絜訛爲潔仍爲二河而蔡傳獨從曾氏何邪

夏允彝禹貢合注曰桓譚新論云河水濁一石水六斗泥